

محراب

افلاقی ، اجتماعی ، فلسفی ، تاریخی ، ادبی مجموعہ

شیمدیلک اون بش کوندہ نشر اولنور

مدرجات

اسلام « شیعیلک ، مذاہب و دینی فرقہ لار ، شہزادہ باقی محمد علی مصطفیٰ علیہ السلام
تاریخ مدینتہ کتب خانہ لار طاہر عربی علیہ السلام
اورتا آسیادہ تورکمن « تورکمنلرک دینی » حامی ضیا علیہ السلام
شیخ سہروردینک شخصیتی و سچیہ سی یوسف ضیا علیہ السلام
حی بن یقظان « ابن طفیلک فلسفی رومانی » رشید علیہ السلام

مرآب : قدریہ حسین — پروانہ : سیمچہ جمال — رباعی : علی ضیا — پرکوکل خاطرہ سی —
ملیجہ نوری — غزل : جمیل رافت — ہالاک قبری : بحدت رشدی — آنتہ مک اولوی : —
صائم حسین .

فیثاتی ۱۰ غروشد

حی بن یقظان

معنی مذکور معانی سائر مدنی مجرد اینجه نه علوه نه ده سفله حرکت اتمی، نه و غرق نه ده صیجاق اولسی، نه یاش نه ده قورو اولسی ممکن اولمایاجق. چونکه بیان اولمان اوصافک هیچ برسی بوتون اجسامه شامل اولمیور. بناء علیه هیچ برسنک اجسامه عارض اولسی اجسامک جسم اولق حیثیتدن دکلدر اکر صورت جسمیه دن فضله هیچ بر صورتی حامل اولمایان بر جسمک وجودی ممکن اولسه او جسمده بوصفتلرک هیچ برسی بولماز آنجق: صور مختلفه فی حاری بالجمله اجسامه شامل بر صفتک موجود اولسی ممکن اولایلیر. بودوشونجه بی متعاقب حی بن یقظان عجبا جانلی و جانسز بالجمله اجسامی شامل بر وصف بولور می بولمازمی؟ دینه بودوشونمکه باشلادی و نظرینی شو وجهله احواله دنصکره هر جسمک اقطار ثلثه سنده موجود اولان و طول، عرض، عمق تعبیر لر یله یاد قلنمقده اولان امتداددن بشقه برشی بولامادی. او امتدادک جسمه؟ جسم اولق حیثیتدن عارض اولدیغی بیلدیسه ده کندینسنده یالکیز امتداد موجود اولان بر جسمک وجودینی حس ایله ادراک ایدمندی حسله ادراک اولنق ایچون بهمه حال امتداددن فضله بر... معنائک جسمده موجود اولسی لازم اولدیغنه قائل اولدی. اوندنصکره اقطار ثلثه یه نفوذ ایدن امتدادک یالکیز اوله رقی یوقسه بشقه بر معنا ایله انضمام ایدرکمی جسمیتی تشکیل ایتش اولدیغی دوشوندی نتیجه ده جسمیتی تشکیل ایچون امتدادک حلول ایتدیکی ماده بی الیه ایدم بیلدی و امتدادک یالکیز باشلی باشنه بر موجودیت کوستره مدیکنی کشف ایتدی؛ ماده نکده امتدادسز قابل اولامایه جفی بناء علیه هرا یکیسنک یکدیگرینه محتاج اولدیغی آکلادی و صوکره ماده بی هر درلو شکلره مستعد اولان اجسام محسوسه ایله مقایسه ایلدی نته کیم بر چاموردن بر کره شکلی اعمال اولندیغی زمان او چامورک کره مقدارنجه طول، عرض و عمق اولور او شکل بوزیلوب معکب و یا بیضی بر شکله افراغ ایدلیدیکی زمان چامورعین چامور اولدیغی و هیچ دیکشمیدیکی حلاله امتدادلرک مقداری دیکشیر لکن اصل امتداد علی حاله قایلر و چامورک امتدادسز اوله مایه جفی، برسی زائل اولدی می برینه بر بشقه سی قائم اولاجغندن امتدادک آیری برشی اولدیغی، چامورکده هر امتداددن بالکلیه تجردی ممکن اولامایه جغندن امتدادک دخی چامورک حقیقتندن بر جزؤ اولدیغی تبیین ایلدی.

باعتبارله جسمك جسم اولمق اعتباريله حقیقی ایکی شیدن ترکیب ایلدیکی نظرنده
انکشاف ایلدی او ایکی شیدن بریسه کاه کاه معکب ... شکلنه قویا بیلدیگمز چامور
مثال اولیور و دیگرینه ؛ چاموردن پایدیغمز شکلرك طول ، عرض ، عمق مثال اولیور .
ایشته جسم دیدیگمز زمان آنجق اشبو ایکی معنادن مرکب برشی آکلاشیلیور و او
ایکی معنائك هیچ بریسنك اوته کندن استغنائی ممکن اوله ماز لکن چامور ایله امتداددن
هانکیسنك جسمه ، هانکیسنك صورته مثال اوله جی هنوز توضیح ایتمه مشدر ! امتداد
دائما دیکشردیکی و برحال اوزره باقی قالمدیغی جهته جسمده تحول و تبدیل ایتمک مستعد
اولان صورته مثال اولیور .

اشکال مختلفه یی قبوله مستعد اولوب کندیسی اصلا تبدیل ایتمه چامور دخی صور
مختلفه یی قبوله مهیا و کندیسی اصلا تبدیل ایتمه و حالی اوزره ثابت قالان جسمیه مثال
اولور چامور ایله مثالی ایراد ایلدیگمز اشبو جسمك برنجی جزئی اهل نظر نزدنده ماده
یاخود هیولی تسمیه اولور . هیولی بالجمله صورتلردن مجرد فرض و اعتبار اولمشدر .
[ماده = اصل ، هیولی = باموق] حی بن یقطانک نظریاتی اشبو حده واصل اولونجه و عالم
محسوسادن برآز آریلوب عالم عقلینك اساسنه یاقینلاشجه کندیسی توحش ایتمک باشلادی .
مألف اوادیغی عالم حسیاته مشتاق اولدی اونی متعقب آزار آزار کبریسی کیری به رجوع
ایلدی « مطلق جسم » حـسـك ادراک ایده میه جکی برشی اولدیغندن اونی بر اقدی و اولجه
تصادف ایلدیکی طور ارق ، صو ، هوا ، آتشدن اولان اجسام محسوسه نك اك بسیطی
اله الی اك اول صویه باقدی صو ، حاليله طبیعیه صورتنك مقتضاسیه بر ایلدیغی زمان
اونده حس ایله درجه حرارت و سقوطه میل کی ایکی خاصه آکلاشیلیور : آتش و یا کونش
واسطه سیله تسخین ایلدیکی زمان اولا صفوقلغی زائل اولور سقوط خاصه سی قالیر درجه
حرارت آرتدیغی زمان سقوط خاصه سی ده زائل وجهت علوه یو کسلمه یه طالب اولور .
حالبوکه اووقته قدر صورت مایه دن ذکر اولنان اشبو ایکی فعلدن فضله بر فعلك صادر
اولدیغنه واقف اولمامش ایدی صودن اشبو ایکی وصف زائل اولونجه صورتنك حکمی
قالماز و صورت مایه دن بشقه بر صورتدن صادر اولمق نأنددن اولان بشقه فعللر آندن
صادر اولونجه صورت مایه نك بالکلیه زائل اولوب برینه بشقه بر صورت قائم وارلکی
صورتدن صادر اولامایه جق فعللر آندن صادر اولور .

هر جسمك ماده و صورتدن ترکیب ایلدیگنی و ماده اوزرینه صور مختلفه نك توالی و

توارد ایلمسکده اولدیغنی وهر صورته مخصوص افعال واثارک وجوده کلمکده اولدیغنی ، صورتلر دکیشدکجه افعال واثارک دخی دکیشه جکنی ، افعال واثارک دکیشمه سی صورتلرک دکیشمه سنه دلیل تشکیل ایده جکنی ؛ کوچی ، قدرتی یتدیکی قدر اجرا ایلدیکی تحریات واستقراناندن استنتاج ایلد کدنصکره هر بر حادث ایچون بر محدثک وجودی لابد و واجب اولدیغنی عام ضروریه آکلادی وبواعبارله ؛ دکل تفصیلی ، بلکه عمومی واجمالی اوله رق صورتلر ایچون بر فاعل ومؤثرک موجود اولدیغنی ذهنته یرلشدی اندنصکره اولجه ییلمش اولدیغنی صورتلری برر برر تتبع واستقرا ایلدی وهپسک حادث اولدیغنی وهر برر ایچون بر فاعلک واجب اولدیغنی آکلادی صکره صورتلرک شخصلری نه اولدقلمی آکلامق ایچون اوغراشدی اونلری ، هر نوع جسمک کندوسنه مخصوص برطاقم افعال واثاره مستعد اولمقدن فضاه برشی اولدقلمی کورمدی . نته کیم صو صوک درجه ده تخین ایلدیکی زمان جهت علوه یو کسلمک ایچون کسب استعداد ایدره . وبواستعداد اونک صورتی اولور ژیرا شو مثاله اوج شیدن بشقه میدانده برشی بوقدر (۱) صودن عبارت اولان بر جسم . (۲) اوجسم ایچون یوقدن وار اولان برطاقم کیفیات وحرکات . (۳) اوجحرکات وکیفاتی یوقدن وار ایدن بر فاعل . ایشه بر جسم اولان صویک انجق بردرلو حرکاتی قبول ایلمی وبشقه درلوسنه قابل اولامامسی ؛ صورتندن نشأت ایدن صویک استعداد ایدره وبوتون صورتلرده اشبو نتیجه یی استخراج ایلدی . بناء علیه صورتدن صادر اولدیغنی ظن ایلدیکی آثارک حقیقتده صورتدن صادر اولمایوب صورتی آلت انخذ ایدن بر فاعلک اثری اولدیغنی کشف ایلدی . حی بن یقظانه تجلی ایدن اشبو حقیقت « وما يزال عبدی یتقرب الی بالنوافل حتی احبته فاذا احبته کنت سمعه الذی یسمع به وبصره الذی یبصر به ویده الذی یبطش بها ورجله الذی یمشی بها وان سألنی اعطیته وان استعاضنی لاعینته » حدیث شریفله « فلم تقتلوهم ولكن الله قتلهم وما رميت اذ رميت ولكن الله رمى » آیت کریمه سنه اشارتدر [۱] .

پته دی

رئیس

[۱] بوراده ذکر ایدیلن حدیث ایله آیت ، تصوفک الکهم استناد گاهیدرله . بوسنبه کرک حدیث حقنده محدثینک وکرک آیت حقنده مفسرینک اقوال وافکارینی مستقل بر مقاله حالنده عرض ایدیورمه . [بو مقاله نک درجی کلهجک نسخه یه قالشدر .]